

翁

山

詩

外

番禺 屈大均 撰

茗南 凌鳳翔 訂

七言古

御書歌 有序

烈皇帝御書采風二大字布衣臣顧苓奉之艸堂
中因顏曰采風寢臣大均獲拜觀焉感而作歌
先皇眷愛采風吼時作采風字如斗鐵畫銀鈎艸
帶真□宣廟□神宗同一手國變餘君大布衣兼
金購得□御書歸日日焚香瞻□聖藻天門龍跳
見天威手種蒼采何礪柯采髯看似龍髯墮皮經
歲月長斑鱗子爲乾坤留碩果血淚風吹無盡時

枯枝復似海棠枝歲寒不爲君王改節苦惟應天
地知華陽替種蒼朮盛白衣宰相言符命一面前
後事齊梁有愧采風清且勁君今對越采風字

先帝威靈應鑒只千秋御氣託茅茨一片神光生
玉璽殷勤拂拭絕纖埃芳辣三薰恐蠹來異日黃
紗籠入獻文華殿裏待重開二字煌煌如大訓九
賓肅肅設平臺

烈皇帝御琴歌

嗚呼蒼天不可識炎精久被虹蜺食其工怒觸天
壽崩百神驚走慘無色□先皇龍戰血玄黃雲中
徒跣歸文昌臣尋弓劍煤山旁淚枯參天雙海棠

宮門邂逅故嘗侍曾見□先皇諸寶器烏皞久已
殉銀泉龜書無復藏金匱惟餘一琴賊不傷□真
人手澤猶光膩花紋細作飛龍形玉管親題翔鳳
字濟南李卿懷孤忠千金購茲太冥桐拂拭神蛾
絲五色沐浴珠徽光的皦月明如見朝鬼神天陰
時聞轟霹靂我從李卿請琴觀楚囚相對泣南冠
湘妃錦瑟秋風咽山鬼蘿衣夜雨寒欲排閭闔叩
天鼓忠信翻爲虎豹侮乾崩坤拆帝無聞日擁投
壺諸玉女蒲阪南薰操不成崑丘黃竹歌空苦宵
衣肝食十餘秋有宮無商淚自流大絃旣急小絃
絕誰爲君王蠲百憂其時坐有楊太嘗曾承天語

稱師襄玉熙宮中久供奉琴聲高奏侑羽觴岐伯
饒歌揚武德延年樂府擅鴻章嗚咽牽予訴遺事
咬春燕九陪遊戲琵琶水殿彈嬌娥龍舟爭采夜
舒荷唐山新製房中樂黃鵠交飛太液波疊疊水
嬉金傀儡紛紛過錦玉婆娑月照龍顏含喜色千
秋萬歲樂寧多千秋萬歲樂無多忽爾遼陽烽火
動焦勞無復聽雲和天昏莫埽蚩尤霧河決誰憐
瓠子歌吹角難令玄女降舞干其柰有苗何甲申
三月燕京亂此琴七絃忽盡斷玉殿橫飛鉞騎聲
天威先示空桑變從此中華禮樂崩八音過密因
□思陵小臣亦似嶧陽幹半生半死難驚騰伏波

馬革褫未遂軒轅龍髯攀不能感君珍重此琴歸
□九廟神靈實憑依鼓之舞之元氣馳帝出乎震
是今時殷薦上天以崇德此琴將爲聖人師太嘗
於焉再稽首爲取賜琴揮玉手童子金爐添御香
主人朝服當西牖落日陰連海岱雲平沙遠映青
徐桺初撥宮絃鐘呂鳴縹緲簫韶吟紫清春風吹
滿蓬萊闕和鑾正繞千花行移商未成忽變徵劍
戟相摩雨不止中原羣盜俄蠡起至尊嘆息呼
赤子更調角羽風嘈嘈中見黃巾爭舞刀殺人無
聲如刈蒿茫茫白草兒女號又聞投鞭渡臨洮九
龍池水流人膏百官披髮衝波濤□君王淚沾火

藻袍笏聲夜奏卑于小獵火秋懸太白高堂堂天
朝事遂去可憐萬國無臣庶徃日霓裳宴太平開
元子弟俱何處抔土誰封金粟堆杜鵑自掛蒼梧
樹驚風如刀頻割絃欲續斷絃雙手酸餘音遶梁
何纏綿滿堂賓從皆涕漣請君罷彈莫終曲恐令
南北諸陵哭偶然失勢龍爲魚終見時來馬生
角他朝日月定重輪今夕鸞皇聊獨宿否極泰來
天有嘗萬里高飛翼先伏偕君阿閣賀昇平雌雄
和鳴三十六

綠綺琴歌

有序

琴爲武宗毅皇帝內府之器其名綠綺向藏

於中書舍人鄭露家庚寅冬舍人殉難朔方健
兒得之以鬻於市金吾葉卿見而嘆曰噫嘻是
御琴也解百金贖歸暇日泛舟豐湖命客一彈
再鼓大均聞而流涕乃作歌曰

羅浮四月春泉決流出千溪萬溪雪豐湖浩渺連
空天鴛鴦鸕鶿紛明滅主人漢代執金吾歸築樓
臺半在湖桂棹湖南邀宋玉銀箏湖北奏羅敷顧
謂雙鬟陳綠綺一時賓客皆傾耳言是中書鄭子
琴珠徽如月寒光起梅花千片斷龍鱗沉香一節
燒鸞尾製自唐朝武德年隱隱金書御璽連□毅
皇親向宮中選賜與劉卿世世傳中書乃自劉家

得似捧烏號淚沾臆珍重君王手澤餘大絃小絃
日拂拭時飛纖指理南風髣髴重華見顏色自從
朔騎圍三城中書奉使歸籌兵日與元戎親矢石
時將彩筆作戈旌雙闕恨屯回紇馬六龍愁在亞
夫營城陷中書義不辱抱琴西向蒼梧哭嵇康既
絕太平引伯喈亦斷清溪曲一縷腸縈寡女絲三
年血變鍾山玉可憐此琴遂流落龍唇鳳唳歸沙
漠蔡女胡笳相慘淒王昭琵琶其蕭索嘆君高義
贖茲琴黃金如山難比心我友忠魂今有託先朝
法物不同沉我咎山東見翔鳳翔鳳乃威
宗皇帝御琴念是
威皇手所弄復從太嘗見賜琴一爲聞元舊供

奉

楊太常正經有二賜琴一

背有崇禎玉璽留五

聲
亾角悲民流

楊太常嘗奉日教書定五音歷郊

至太嘗爲我一揮手呼天搶地愁復愁君是常年

侍從者出入嘗陪入駿馬十三官拜羽林郎二十

戰酣涿鹿野一自龍髯不及攀豐湖一曲遂棲閒

樂器不同微子抱淋鈴難見上皇還此琴寶惜空

加厚列朝恩在宮商間安得翔鳳入君手更召太

嘗至牕牖一奏當令白鶴翔再彈會見神龍吼

布政張公挽歌

有序

崇禎末逆賊張獻忠犯貴陽文武諸大吏聞風

皆遯布政使三原張公耀獨率家僮守城城陷

公猶手刃數賊獻忠以禮請曰公吾秦人吾甚重公公若降當居宰相公奮罵不屈賊械其妾媵三十人於前曰降且免一家死公罵愈厲賊割其舌支解之妾媵等皆死

貴陽城崩誰巷戰叅政張公奮刀箭手提銀印血模糊冒陣一呼天地變賊憐神勇欲降公泰山自擲鼎鑊中奮罵一軍皆辟易舌如電光不敢食丈夫羞與賊同生妾媵歡然爭死敵願爲良臣安可得殺身成仁亦何益腐肉如山魂袒裊白晝賊中猶盪擊

與陳明敬采方竹作

不采禹陽阮隄枝不求羅嶠籠葱幹聞君方竹拂
雲霄枝枝中矩堪把玩我生好入名山遊手中竹
杖是朋儔阮隄只堪作長笛籠葱但可駕高樓愛
茲方竹堅如鐵出入扶持宜暮節進長居後退居
前令我不隨人磬折賢人方之聖人圓嗟余違世
不知權但使喬采得本性何須散木終天年與君
向此質管掘磊砢憐伊有正骨摩娑不減金琅玕
鏗然爪甲聲清越人間五嶽好遊嬉莫教尚平婚
嫁遲騎二茅龍君不羨駕三青鳥吾不希但將方
竹作雙杖與爾高高上翠微

送韓石叀

我聞黃山有湯泉軒轅浴之飛紫煙瓊樓珠闕萬
峰連瀑布爲梁度羣仙白雲瀾漫如滄海丹臺石
笋忽不在天風吹開金芙蓉中有日月紛光彩送
君歸去餐日華桃花片片是丹砂三日容顏如玉
女却來同我登青霞

憤歌

時人皆謂我狂生蓬頭垢面縱橫行神龍變化愧
無力失水乃與螻蟻爭哀哉天下日沉濁孟軻好
辯遭凌辱從來君父若浮雲暮楚朝秦非反覆我
今守道誠不祥孔雀何如牛有角

上千尺峽百尺峽至溫神洞宿

十八盤盡見西峰遊人匍匐上芙蓉攀援鍊綆數
千尺身似飛猿時一擲陰陰天井上穿天裊裊石
梯懸度石神爽先飛玉女峰嘯歌暫憇羽人宅月
中明滅白雲流風外砢礪瀑泉激咫尺翻愁帝座
逼吐納聰明慎今夕

西峰訪范復菴不值留贈

橫天一壁驚無路頻騎夾嶺空中度棧邊萬壑沉
青冥橋下千峰出煙霧我從玉井得真源明星玉
女招不顧直向西峰攀所思樓壓蓮花花倒垂三
閭披髮同山鬼四皓療饑有紫芝咫尺白雲尋不
見先朝耆舊君堪戀無悲帝座隔層城自有天門

通一箭

復菴名述古襄陽人崇禎朝東宮侍讀甲申之變走華山爲道士

西峰下窺水簾洞作

玉井潛流爲瀑布諸峰噴薄如煙雨天風吹斷水晶簾似見投壺諸玉嫵河漢縱橫難爲梁欲度不度愁參商石髓金精不我與銀臺玉室徒相望山鬼幽篁悲晝晦美人其雨怨朝陽行歌散髮旦徜徉

峯頂放歌同王伯佐

太華峻極惟南峰脚踏萬朶青芙蓉東西二峰尚匍匐白帝上宮不敢卽天柱搖搖風欲傾元氣茫茫日無色我行飛棧若驚鴻君騎榻嶺如游龍君

過玉女飲三漿我向將軍攀五朵狂嘯翩翩凌絕
頂目營四海神光騁水簾高捲入珠樓蓮葉浚披
採玉井黃河浩浩瀉愁心明月蒼蒼逐孤景塵垢
猶堪鑄帝王清虛何足留箕顓形勢依然天府雄
龍爭虎鬪誰途窮千里金城收一掌萬年甘露待
重瞳

王允塞招飲竹林精舍醉賦

黃神峪口開精舍蕭蕭樹石流泉瀉主人觴我竹
林前與客七人成七賢曠達誰能拘禮數豪雄不
屑居神仙嬌歌急管且流連蛾眉相妒不相憐蹙
者欲斬平原妓蔡經難受麻姑鞭醉來飛馬直上

天蹴踏峯峰十丈蓮人間萬事如塵煙我乃酒狂
合自然請君無爲醒者傳

長春石室

有序

峯山雲臺峰側有長春石室唐貞觀中道士杜
懷謙之所居也懷謙自號長春先生好吹長笛
令人多買笛一吹之輒投於巖下笛盡更供今
石室巍然笛聲猶不絕云

長春先生好吹笛吹之裂盡峯山石一笛持來只
一吹歲用琅玕數千尺一吹卽復投巖中笛與人
間製不同人間不見長春笛惟聞笛聲滿碧空仙
人自古重音響吹使乾坤氣清爽一曲中和致太

平遣音千載穿雲上我向先生石室栖每尋長笛
臨迴溪願作仙人笛弟子朝朝吹徹雲臺西

洗象行

玉河六月河水長朝廷舊典賜洗象昆明不見舊
樓船太液何來新甲仗傾都觀者皆歡娛宣武門
外鋪璫瑜公子踏花紅叱撥佳人障日錦屠蘇須
臾前導執金吾二十四象天街趨龍旂送出千門
柳羽騎迎過萬歲湖花牙潤潔體雄詭橫行鬱若
丘山徙自是瑤光星降精惟有神龍力可比夜郎
蠻奴馴習者手握銀鈎左右下騎入洪波走巨魚
突出平沙驚萬馬水花瀕洞濺浮雲雨邊金鼓鳴

虎賁似逢光武昆陽戰如破吳王水犀軍萬人喧
呼動城闕一片紅塵汚冰雪爭道驂騑擁御橋兩
行燈火侵宮月白頭中使偶相逢三朝腰玉賜穿
宮謂余此象養天廐當年俸與將軍同曉披瓔珞
朝皇極秋駕鑾輿出喜峰去歲雲南師敗績象今
曾與沮渠敵周王八駿去何之夏后兩龍歸未得
可憐巖嶧虎豹姿雖飽膏粱淚沾臆

贈清霞子

我嘗遊太舉亦上終南山爲尋仙人清霞子那知
乃在東湖間本是紫髯一將軍家在賀蘭臨塞雲
赫連臺畔時遊獵花馬池前或典墳曾逐孫公大

司馬

傳

血戰黃巾邾城下七日霖雨真可憐三軍

糧絕淚頻灑潼關再戰功垂成天妒孫公使結纓

爲忠只有喬參贊

元柱

作叛何多白總兵

廣恩

清霞此

時河南走黃石兵書嘗繫肘英雄且戰且學仙曠

達一吟一飲酒九聖微言久寂寥神明幽贊暮還

朝王弼天人談不倦莊周蝴蝶夢相邀東湖水自

羅浮落石室燒丹汝新作要將雞犬共冲雲莫使

嫦娥先竊藥潘茂名郁先生千年象數相傳授後

天之學汝尤精

郁先生名文初嘗爲高州太守夢

仙潘茂名與談易理因得先聖

絕學清霞乃

至人變化無生歿一龍一蛇誰得似

曼倩何妨謔浪多老聃不狂虛無裏夏日荷花滿

湖綺玉琴三弄鴛鴦起我言素女卽丹砂君欲雲
英化爲水

辛亥中秋夕作

去年月比今年好嬌女如花狂襜褕手持一物笑
當門柚子燈紅如瑪瑙前年月比去年明內子新
歸自鎬京畫舸朝維楊柳岸香車暮入鳳皇城盤
中果愛甘蕉美檻外花憐抹麗清稚子爭圍秦弄
玉慈姑似見許飛瓊今年月色如冰凍獨坐簾前
抱哀痛吳宮紫玉遂成煙巫岫朝雲元是夢幽魂
不返月支香仙蛻已藏毛女洞淚落黃泉知不知
黃泉少見月明時難將一片天邊月長照黃泉冰

雪姿黃泉母子應相見見此月明淚如霰人間月
似白玉盤地下月如白團扇團扇光輝乍有無愁
君失路一身孤夜淩環珮歸宜數莫向黃泉空望
夫

雷陽郡齋醉中走筆呈吳使君

使君風流世所宗飲酒不醉真酒龍一麾出守瀕
海郡三年坐嘯擎雷峰有一酒狂人不容聞君新
醅荔支濃沉香觥船大如斗中有扇沙嫩鹿茸香
貌之脯鯊魚翅玉盤行出和春菰使我朵頤不能
已番禺千里來相從仲秋月照郡齋夕轟飲吏人
俱辟易鯨魚自合乾百川鼯鼠猶能盡一石玉山

忽倒紅瓊瑜談禪交吐夜光珠嬌歌婉轉東西和
花旦溫柔左右扶英雄達生無不可一代糟丘今
屬我古來賢聖盡浮雲豈必二豪同螺贏簪人酒
中誰陸沉阮公一醉直至今酣放動經六十日千
載惟公知此心

壽汪虞部

南陽老人漢郎官七十面如紅玉盤家近浮丘丈
人館御女早得軒皇丹二月羅浮大蝴蝶紛紛出
繭食花葉山人言是小鳳皇五色之鳥爲臣妾有
似君家諸小郎三歲四歲初扶牀琳瑯盡是天廟
器神仙之雛不可當君今垂老多歡樂左鬢會應

生肉角著書已富內外篇采藥還期南北嶽從來
大道貴傳人長生有術予將學

陳丈種花歌

丈人無事惟種花花開紅白如明霞朝從花市得
金錯暮向花田吸月華花中一樹綠萼梅下有水仙
數叢開水仙乃自秣陵得綠萼元從羅浮來願
作羅浮大蝴蝶與君朝朝食花葉願作羅浮五色
禽與君暮暮宿花林秣陵花如山亦復花如海清
涼海棠大十圍吉祥古梅自六代不及君家此園
春千葩萬葉飛成茵閒來只抱丈人甕隱去誰知
漁父津自結一亭小種蘭花四繞冬有芙蓉亦有

桃絕喜嶺南霜雪少花落爭來釀酒人花開早至
收香鳥往時朱叔賢種花禺陽邊殷勤葬落花處
處成花阡與花共生成好花成神仙君今落花棄
不可日日埽來盡與我朱叔名學熙清遠人丁亥
秋以應嘗殉節嘗以古密
器葬落花於南禺黎太
僕遂球爲作花阡表

東湖篇贈高明府

柳絲柳絲長復長雖長難繫紫鴛鴦鴛鴦飛逐落
花去使我攀絲空斷腸使君欲執鴛鴦鳥來向東
湖臨浩渺更憐魚尾紅簃簃不憖竹竿長嫋嫋佳
人忽自羅浮來中有梁陳多丽才雲霞被服三銖
剪蝴蝶文章五色裁風流攜得諸伎樂娥郎一曲

傳邊朔十番大小更誇人諸童新就吳儂學使君
淵雅最知音邀下樓船更鼓琴章句離騷殊未已
絃歌三百一何深公餘祇欲尋高士荷葉荷花映
人吏著書卻笑葛稚川虛無但道神仙事

高州大水作

天決鑑江灌高涼一夕水高三丈強西南二門白
晝閉城中城外愁汪洋大雨滂沱不得止颶風吹
倒牛與羊千家號哭萬家走婦子盡同魚在罾白
波捲去南巴城煙火不知何處有蛟龍拔木山欲
摧潭中驚出雌雄雷狂夫欲渡不能渡中流浪打
被髮回二村已遭白牛陷挺劍我欲爲澹臺斬盡

水怪無凶災

龍門健兒行

龍門健兒身手強，綿木爲鎗三丈長。三人持一綿，
木鎗風旋電轉，誰能當。進四尺，兮退四尺，挑起人
馬半空擲。朔騎千羣喪精魄，前鋒夾以竹篙錐。三
丈不足二丈餘，藤牌絮被滾如珠。三眼烏鎗洞鐵
甲，繞指鬱刀隨卷舒。焦銅鋒鏑塗毒藥，猛虎中之
僅三躍。用短尤能精，用長縱橫擊。刺千軍，卻往日
勤王義氣作文烈。張公恣揮霍，大小百戰似雷霆。
長驅幾欲空沙漠。

柰何帝歌

有序

陳后主將亡國鍾山羣鳥翔鳴曰柰何帝柰何
帝

柰何帝柰何帝風流亡國亦足豪美人相抱井中
墜可惜井中水不深美人不歿傷我心淚痕化作
臙脂痕千秋漠漠苔花侵苔花侵美人墓在青溪
陰不歿臙脂歿青溪可憐不作井中泥國亡不恨
恨惟此山河不易一女子

南海神祠古木綿花歌

十丈珊瑚是木綿花開紅比朝霞鮮天南樹樹皆
烽火不及攀枝花可憐南海祠前十餘樹祝融旌
節花中駐燭龍啣出似金盤火鳳巢來成絳羽收

香一一立花鬚吐綬紛紛飲花乳參天古幹爭盤
擎花時無葉何紛葩白綴枝枝蝴蝶繭紅燒朵朵
芙蓉砂受命炎州麗無匹太陽烈氣成嘉實扶桑
久已摧爲薪獨有此花擎日出高高交映波羅東
雨露曾分扶荔宮扶持赤帝南溟上吐納丹心大
火中二月花開三月葉半天飛落人爭接東風亂
剪猩紅絳兒女拾來柔可摺正及春祠百谷王神
靈不使馬蹄蹀還憐飛絮白如霜織爲縹布作衣
裳銀釵叩罷雙銅鼓歲歲看花水殿旁

放歌行爲潘子壽

丈夫五十髮未白痛飲狂歌真可豁神仙富貴兩

蹉跎徒作諸侯一賓客尉陀城南十月時梅花開
早菊花遲與君往往談王霸笑殺當壚嬌女兒我
在山中無素業清高亦與屠沽接道成不肯居神
仙氣使翻然作遊俠英雄自古一浮雲求道應從
鸞鶴羣有金且買東方妾有酒且醉信陵君縱心
寫意無不可聲色之中知是我天生我輩自長生
不似二豪爲蜾蠃

壽霍丈

天上有壽星飲酒輒一石人間有酒龍爲壽亦過
百君今六十興翩翩夢想廬山醉石邊講學十年
稱祭酒隱居雙嶽得飛仙山禽吐錦當晴日海氣

成樓在曉天杖策逍遙無不可酣來更拂落花眠

汪虞部以咍嘛酒惠莫舉姜賦謝

咍嘛酒即蘆酒

舉姜本秦人平生愛蘆酒舉山玉泉與醴泉槐麴
釀之嘗在手截竹爲筒一尺長舉夫相對吸天漿
注以玉女洗盆水糟中時有蓮花香自到嶺南蘆
酒少荔枝龍眼甜難嘗罇石先生知嗜好惠我數
罇手所造秦娥一笑忘他鄉粵客三杯通大道夫
婦歡娛曾幾時一朝蕙草先秋萎中聖中賢我不
忍含哀久與杜康辭先生憫念黃泉下蘆酒今朝
奠一竿馨香更用返魂燒清冷如將甘露灑恍惚
既醉朱顏酡嫋嫋來遲可柰何意氣未能忘賦客

精靈應解報恩波

嶺南有荔枝龍眼酒

伶俐江口遇風作

風吹舟衝石壁我篙競下如拒敵夾岸溟濛沙
亂飛中流洶涌石相擊舟破定知觸鬼神檣折有
聲如霹靂風狂豈可滿帆張長年不戒使我傷忠
信寧憂白頭浪笑談曾渡蓮花洋不須彎弓射潮
水且復橫槩賦詩章

寄贈高博羅

使君管宰羅浮西訟堂水接羅陽溪使君今宰羅
浮東浮碇高岡在縣中羅山爲主浮爲客羅與浮
分峰四百使君豈亦一仙山長與羅浮合精魄爲

政風流近若何著書應比葛洪多仙方不屑言黃
白王道惟知保太和我別羅浮亦已久從軍欲出
飛狐口不似浮山有所依長與朱明爲戶牖當年
著得羅浮經欲待功成勒翠屏使君詞賦應多載
留照山中御簡亭

送曾止山還光福歌

炎洲之南天氣和梅花更比江南多梅花大宗在
庾嶺小宗乃在羅浮阿春來開遍枝南北萬籬千
巖花四塞梅花將軍越王孫謂梅湯沐正在梅花
國飛揚徃日破强秦沛公項羽資其軍臺嶺因之
號梅嶺梅花萬戶酬功勲風吹上天雪紛紛行人

遠望如白雲檀香玉蝶大可愛萼綠香氣尤氤氲
西溪鄧尉天下聞當年種自梅嶺分梅花子孫亦
太古光福一半今在君淮南作客胡爲者十月梅
花已堪把花片堪爲三月糧歲寒何用離花下太
湖萬頃當門前君歸更浮洞庭船莫釐縹緲二峰
接人家多種梅花田我將移居向慈里與君咫尺
梅花裏千年冰雪作肌膚欲學仙人姑射子梅花
豈是一塵垢鑄舜陶堯將以此

廣陵篇贈別吳鹿園

江北煙花是廣陵江南山水惟京口蕃釐觀左一
逢君欲典衣裘取清酒飛橋十五首紅橋夾岸蘼

蕪漸及腰才子偏來明月夜美人不見落花朝蕪
城一賦君能續更有冶春三十曲千載知音是紫
薇竹西歌吹傷繁促哀怨猶多楚性情荒淫未變
吳風俗山中雖有玉勾天日月長含第五泉兒女
但能催白髮英雄那得再青年

題陸天浥秦山圖

海中日湧聲如雷天門夜半鴻濛開天雞鼓翼波
震蕩金銀宮闕東飛來此時丈人峰上客日華噓
噓蕩精魄東君玉顏在咫尺扶桑萬朶紅復紅玉
女三千笑口同丹青雖神畫不得朝霞倏忽吹成
風千巖萬壑太古色秦代蒼余人不識圖成慎勿

置金箱留與人間見胸臆

題吳太守江山清嘯樓

在真州

江南山色渡江飛飛向君樓舍夕霏空翠不隨流水去鴻濛忽化白雲歸吳興太守真州客日夕捲簾蕩精魄舞影時翻天女花歌聲欲裂雷公石浮玉雙峰架筆高芙蓉一朵一離騷六朝春色爲膏沐萬里天風且羽毛

題周黎莊戴笠圖

黎莊本是青雲器四十於今猶未仕前朝文獻在君家著作欲繼先公志秣陵藏書誰最多讀書樓中高嵯峨据拾能箋五代史時談遺事如懸河董

孤有志我未逮三百年中誰紀載漢史應須屬紫
陽元人豈解尊昭代青溪水閣閒相期筆削相將
乘此時王猛猶能存正朔許衡那得配先師棲霞
之山好林樾更爲同人開理窟片言亦可成春秋
一畫自能知日月閒來戴笠將何之遺谷逍遙若
有思接輿髡首且相對佯狂於道亦良宜

讀李畊客龔天石新詞作

東風吹愁滿天地越客羈栖不得意攜家遠自南
海來十口飄飄無所寄秦淮一曲且僑居升斗之
水愁枯魚故人咫尺在幕府慰我饑渴三致書公
子多才年復少樂府能兼南宋調風流初見藕莊

詞與君宮體皆娟妙我方箋易臨河樓夢寐日與
羲皇遊新詞見贈不遑答精微空向畫前求南楚
好辭宗屈子學詩昔自離騷始含風吐雅數千篇
美刺頗得春秋旨艱難持向清涼臺一秋不視白
魚來聖賢自古皆寂寞文章於我誠塵埃聞君新
校春秋疏欲爲唐人傳啖助多金鑲得授經圖功
在尼山流美譽交廣春秋我亦成南方異物多經
營陸賈山川未作紀嵇含草木徒知名長跪幾時
能請教知君博物有深樂花中錦繡足文鵲果下
金錢饒小豹收香書帶與相思賦詠惟君綵筆宜
我愧江淹才欲盡那能倡和及芳時

過黃俞邵藏書樓作

我生南海愁偏僻經史之外寡書冊扁舟遙至金陵城欲向名家求載籍黃君父子世藏書一室嘗開萬卷餘欲使文章歸性命豈將詞賦送居諸六經我道非糟粕天地精神於此託一畫能令日月開古聖神明必有作君家易疏幾青箱借我無嫌歲月長卦外始能知太極圖中亦可得羲皇君今繼述從何始應徵未與先朝史文獻無稽是此時春秋有志惟君子秦淮水長連青溪三月河房柳向西欲邀雪客同揮管吾學諸編更整齊我且濃磨方氏墨殷勤花下爲君攜

女兒葛歌

女兒十三髮覆額精工善作女兒葛花針挑出葛
絲絲織成蟬翅弱霏霏一端祗得三四銖出入筆
管輕且微十年一匹不滿機製爲夫婿乘涼衣日
炙葛絲皺風吹葛絲舊兒郎惜葛絲莫當風日走
寧無綺與羅是儂手所就

紫霞杯歌

陳樂長
見贈

山之赤精石流丹巢繇服之生羽翰太玄赫黃作
杯好持酌酥醪顏不老此杯不是芙蓉砂君應得
自神仙家杯名甚美名紫霞雄黃一朵雕桃華連
枝帶葉大如掌色似天桃花兩兩白石牀中無此

丹此杯乃是丹干長君今爲壽見君情自此觥船
不用擎百花仙醞頻催釀與爾林中日日傾

觀雲公所繪聽采圖爲葉平仲作

黃山之采天下無雲公寫入洞庭圖采聲捲起瀑
泉水散作天風落五湖洞庭東西二峰好玉柱金
庭棲綺皓當年縹緲莫釐間我亦行攜石公姥葉
子幽居偃蓋陰身如菟絲纏采林興公齋前已楚
楚華陽樓外還森森拂地參差多麈尾無生日說
如流水聲飛天外不因風千里蕭騷猶在耳雲公
最善繪寒聲聲自空生亦有情嘲嘈忽似蘇門嘯
諧會琴音滿太清

送洪氏兄弟讀書黃山白龍潭

余余倒懸數千尺身似藤蘿纏怪石有時怒隨雷雨飛三十六峰腹盡坼洪生兄弟性愛余讀書各據一芙蓉黃山本是白雲海余樹大小皆神龍羅浮七星繇作道士邀予每道神仙事繇來變化本無情性盡自然天命至汝師汪子在天都會見軒轅得道無莫浴湯泉生羽翼且將石筍作擣蒲言兵實自軒轅始八卦神機連甲子峰峰布列是陣圖白雲出沒爲旗幟陰符不用更鉤深象數之中總可尋讀易自應知戰法裁詩且復遣愁心

石公種余歌

石公好寫黃山。采采與石合如膠漆。采爲石笋拂
天來。石作采柯橫。水出涇西新得一山寺。移采遠
自黃山。至嵒猿一个似人長。荷鋤種植如師意。師
本全州清淨禪。湘山湘水別多年。全州古采三百
里。直接桂林不見天。湘水北流與瀟合。重華此地
曾流連。零陵之采更奇絕。師今可憶蛟龍顛。我如
女蘿無斷絕。處處與枯相纏綿。九疑枯子日盈手。
欲種未有白雲田。乞師爲寫瀟湘川。我枯置在二
妃前。我居灘南憶湘北。重瞳孤墳竹嫵媚。湘中之
人喜師在。何不歸掃蒼梧烟。

寄汪扶晨

黃山之麓有潛溪君家溪口花竹迷飛書招我謁
軒后三十六峰素手攜行至蕪陰車忽止六月盛
暑汗如水安得風捲朱砂泉飛來爲我易毛髓背
渟黛蓄白龍潭雨中噴薄當花龕諸泉盡自湯泉
出未若潛溪味最甘寄我紫霞茶不寄潛溪水活
火自真時相憶情難已我在秦淮日舉杯糟丘何
處不蓬萊酒星最憶青蓮客獨溯風流采石來誰
作長歌贈太白任華才氣真詩伯去年汝惠一長
篇卷起西江瀉精魄丈夫叱咤本非常戰法往往
寓文章五兵相救乃神變用短從來兼用長天生
汝筆能雄放青蓮未是丈人行處處金焦砥海門

篇終始得波濤壯

短歌贈別陳子

丘園著書久寂寞茫茫周蝶誰先覺虹霓爲帶佩
華星欲舍愁心遊五嶽五嶽迢遙路不通何如高
臥謝鴻濛仙人祇在玉壺裏無爲之化如重瞳伯
樂無煩治天馬貌姑不待御飛龍

送客上廬山

廬山之奇在瀑布飛流千道穿雲樹峰峰皆有呂
梁洪漁父濯纓予濯足送君直上芙蓉屏俯視天
河若建瓴往來莫點神龍眼恐挾風雷下四溟

題欽子五芝圖

二十四種黃金芝我昔羅浮皆采之此芝一莖五
枝秀君今圖此將何爲君能服食自不老丹砂不
若紫芝好園綺當年餐紫芝容顏得爲君王保

白鵬篇柬蕭山周子

炎方珍禽有閒客

白鵬號

雌者純丹雄者白咫尺

烟霄未可飛羽毛幸有高人惜君有文章亦孔鸞
南來此地求瑯玕荔支絕勝丹砂好肝臙還如玉
液寒不必金裝如陸賈珠蘭瑤草應長把南方艸
木疏成書芭蕉葉大堪揮灑生日何妨舉一杯如
君真未愧瓶壘冉子情多頻請粟皋魚淚盡只銜
哀聖明湖與湘湖接紫萼甚美多莖葉高卧蕭然

名山一故人

謂蔡大敬

豈有療饑芝燁燁與君懷望每臨

風何時歸去同漁獵

爲王璞菴題騎白鹿圖

白馬小兒竊天祿青牛老人去函谷君今白鹿行
翩翩豈爲茅山高卧足乾坤此日尚鴻濛王霸雌
雄一笑中他時憶我羅浮頂可有風雲起伏龍

贈陳藥長

神仙中人誰不羨羨子朱衣方拭面點漆凝脂是
右軍瑤林玉樹如王衍日日彈棋用拂巾時時作
艸多團扇新詩更播寶安城前輩風流不敢輕太
白最能歌進酒張衡還解賦同聲我過每談風雅

旨三閤婉順真君子誰道離騷乃變風可憐忠厚
心無已遺音千載有君知日日絃歌是楚辭爲言
乃祖多忠憤蒼梧昔逐翠華遲事去捐軀沉桂水
愁來作賦續湘纍大節表揚猶未得求予作傳傳
京國每聞人誦懷沙篇感念先臣淚沾臆今朝娶
婦思承宗敬爾威儀玉帛從壻如葛勃應無恨女
得陳豐復有容紗扇披時驚似月香車乘處喜如
龍爲君敬進新婚箴性情之際難處心令祖爭光
同日月慈孫繼志在高深燕婉定知長不惑忠貞
自此世相尋

九日過李十二耆山房賦贈

白晝婆娑古樹下華堂無事招儒雅蘇門高士過
彈琴天寶將軍來畫馬此日重陽黃菊開寂寥餘
我登高臺被髮狂遊人削跡持觴高論爾憐才江
山戰後秋無色天地窮陰消不得周王兵士化沙
蟲漢代衣冠委荊棘君家殉國有難兄散盡黃金
事不成脊令空抱萇弘血鴻雁猶吞伍尚聲我在
山中無素業一遇屠沽歡笑接道成不屑居神仙
氣使翻然作游俠爲君題詩花萼樓羽聲慷慨誰
不愁

軒轅二帝子別業作

七十二峰不相離兄與弟今共治之兄在禺南弟

禹北峰峰相對不參差二禹君臣自太古三峽長
爲湯沐土軒轅龍馭迥難攀徒爲君王畱洞府樞
花五色紅氤氲阮隄枝枝拂澗雲楚客悲思惟帝
子南人俎豆獨夫君

仙人

仙人餌飛魚暫死百餘年蹶然起鼓掌玉容如霞
鮮飄飄入東海長揖謝軒轅我尋其蹤上太嶽元
氣鴻濛無晦朔天鷄鼓舞向我鳴忽然日月生兩
角回首人間塵垢多金囊玉匕將如何

東湖走筆寄詹明府

東湖水似鏡湖水一片荷花不見天更有荔支千

萬樹離離朱實含霞鮮孔雀銜過水簾去有時落
在美人邊彭洞繽紛灑冰雪羅浮縹緲飛雲烟主
人乃是名吏部風流日日蕩湖船朝從蘭若求玄
遁暮向檀槽覓小憐畢卓已多甕頭酒山公還有
竹林賢竹林之下誰名飲興來我亦清狂甚醉卧
當壚紅粉旁落花無數沾衾枕長嘯一聲遠寄君
君在浮丘聞不聞漆園傲吏爲蝴蝶勾漏仙人擁
白雲

讀杖人師武夷遺草因懷武夷虎嘯洞諸勝
我昔遊五嶽身騎二茅龍驚風忽然起東海日月
吹落金銀宮愁將白髮三千丈歸去朱明四百峰

夙聞治水經銀泥封綠字龍威丈人招我遊林屋
洞中探玉筍白雲瀾瀾洞庭波七十名峰奈樂何
長風吹我至禹穴猿啼虎嘯依藤蘿秦皇碑愛蟲
文古夏后書愁鳥跡多平生竊慕柱下史列國寶
書求未已聞君家書萬卷餘欲向瑯函作蠹魚志
在春秋希魯叟才堪辭賦薄相如邇來頗究太公
符每恨荆軻劍術疎築壇天目步珠斗一龍一蛇
左右趨聞君藏得鍊劍圖時時風雷起座隅慷慨
肯授英雄無鑑湖之水多芙蓉日捲珠簾樓上居
天下戰爭猶未已請君亦讀孫吳書

四百三十二峰艸堂歌有贈

君不見羅浮秀出朱明天璇臺萬仞閭闔連石橋
如絲橫絕頂往來者誰皆飛仙我年十五芙蓉妍
麻姑攜手相纏綿服食青霞猶未畢忽見海日如
金盤悟道直出軒皇先喜君清爽有仙骨凌峰相
尋白雲間白雲兮翩翩蝴蝶大如車輪然衣裳五
彩睂連卷雙棲池中千葉蓮我嘗乘之訪稚川大
笑世人鍊金丹淮南八公來周旋角髻青絲如童
顏教我含精御六氣白兔長跪獻一丸形見神藏
龍蜿蜒內聖外王體自然仲尼不及姑射仙黥人
仁義徒多言吾心皎皎秋月圓一死一生如浮烟
鶉衣穀食可忘年何爲煩憂著太玄聊與君遊遊

不還

有所思

我有花宮在羅浮水簾千尺懸滄洲仙人教我吹
玉笛一曲未終鳳來遊鳳兮皎若峨眉雪口銜芙
蓉向丹穴因之萬里蓬萊飛回首故都心斷絕心
斷絕兮不能持故都禾黍已離離折盡扶桑拂日
枝重華何處就陳辭曾將玉珮投湘浦欲采珠塵
向九疑九疑聯緜在何處斑竹陰森山鬼語明月
中宵出洞庭炤見皇英之二女瑤瑟聲聲怨別離
霓旌颯颯吹風雨白龍魚服幾多時玉殿淒涼仗
數移將相幾人畱島嶼君王何日出蠻貊可憐五

色飛龍馬無繇扈從到瑤池落花寂寂愁獨處浮雲渺渺長相思

羅浮放歌

羅浮山上梅花村花開大者如玉盤我昔化爲一蝴蝶五采綃衣花作餐忽遇仙人萼綠華相攜共訪葛洪家鳳凰樓倚扶桑樹琥珀杯流東海霞我心皎皎如秋月光映寒潭無可說臨風時弄一絃琴猿鳥啾啾悲楓林巢繇不爲蒼生起坐使神州俱陸沉

會稽春暮酬南海陳五給諫懷予塞上之作
兼寄西樵道士薛二

我家扶桑下日日見東君遺我紫瓊花風吹落白
雲白雲決漭起南海蓬萊宮闕須臾改往日三千
玉女羣祗今惟有麻姑在與君攜手入羅浮瑤琴
一曲難消憂綺季終當扶漢室張良未得報韓仇
君家相國奮長劒曾捧軒轅出金殿嗚嗚吹角爲
龍聲大呼玄女來助戰蚩尤未滅妖氛多可憐碧
血歸天河君棲蘆中凡幾日悲風吹斷鵲鴿歌神
虬久蟄無人識黃鵠高飛奈我何高飛忽向天山
月月炤天山皎如雪丁零爭獻葡萄杯蘇武共持
青海節鴻鴈南從大庾回口銜尺素落龍堆開緘
未讀淚沾臆城上吹笳淒且哀處處牛羊銜白草

紛紛雨雪下輪臺問君塞上胡不來當時勅賜有
龍媒投筆曾無班子志吹箎寧讓伍胥才新詩字
字瑯玕重何時艸就西樵洞西樵道士劒俠流應
共悲歌擊銀甕春風三月梨花飛我遊禹穴方思
歸黃鶯關關啼碧柳萬里鄉心連翠微誰憐寂寞
耶溪上淚洒西施金縷衣

木綿花歌

廣州城邊木綿花花開十丈如丹霞燭龍銜日來
滄海天女持燈出絳紗樹樹雙棲孔雀暖枝枝交
映扶桑斜仙種珍奇世希見受命天南絕霜霰漢
帝曾栽扶荔宮越王爲造珊瑚殿月下紅侵舞女

衣風前香繞畱仙宴回首春深怨杜鵑榮華寂寞
淚潛狀殘英化作天山雪飄落胡人玉笛邊

贈張丈天生

八月鵙鵙鳴愁雲何浩浩長采生路旁不如高岡
草夫子舉芳逢此時饑來可有金光芝自堪絕粒
同龔勝誰向披裘識啓期中原戰爭方慘淡鹿門
山上多冰鑑誰爲伏龍與鳳雛我欲從之問陰符
兼之風角天文書佯狂予非高陽徒九齡好道守
丹爐卅成欲濟蒼生厄未逐軒皇升鼎湖鼎湖龍
去亦已久我尋衣冠往天壽鐵壁斜攀湯嶺西銀
山直抵居庸口荆棘縱橫虎作羣守陵不見羽林

軍花落錦城哀望帝月明瑤瑟怨湘君一絲正統
懸天地六尺真孤托水雲離憂我亦同山鬼思靈
修兮紛流涕靡蕪采得貽何人念爾丘園白髮新
葛巾定漉陶潛酒渭水應垂尚父綸垂綸兮千尺
漉酒兮百石莊周蝴蝶和天倪醉後安知朝日白

精衛行

重瞳孤墳在何處青鳥銜珠淚如雨海思雲愁爲
別離道逢精衛邀相語日日填河力已窮凌霄未
得羽毛豐荆山之玉君休抵待雪深冤天地中

春日懷白華園

櫻桃花發吳溪香客裏看春黯自傷可憐海燕差

池羽挾子翻飛歸畫梁我家遠在番禺縣此日春
人事遊宴翡翠城邊柳正垂琵琶洲畔鶯初轉舊
栽梅樹玉堂邊我母折梅大士前采風隔水吹朝
梵山月含霜照夜禪一別鄉園經四載浮雲舒卷
瀾滄海五色明珠不肯投千金七首依然在紛紛
天下逐雌雄安期枉去說重瞳仙人本爲蒼生出
大道難令濁世容楚客空知笑衰鳳葉公不解好
真龍徘徊岐路將何適采采芳蘭三歎息弱弟雖
承菽水歡鮮民未盡耕漁職鴻鴈飛飛向塞天誰
憐落羽屢驚弦弋人應念銜書苦萬里飄零非偶
狀

張二丈畫馬送予出塞詩以酬之

我棲羅浮四百峰十年學道師老龍忽覩扶桑上
紅日真人飛出藥珠宮邇來劒得白猿術登臺嘗
舞雙芙蓉清泉白石心已厭慷慨欲遊關塞中憐
君少小事遊俠智勇深沉慕荆聶悲來每叩玉壺
歌酒酣頻向南山獵平生畫出真驛驪將尋天子
崑崙丘萬里風沙開縞素千羣汗血騁王侯今朝
聞我天山去停杯不覺淚如雨可憐陌上握別時
桃花亂落黃鸝語黃鸝睨睨不堪聽離家去國怨
孤征白草連天過鹿磧黃雲蔽日向龍庭不是摩
騰取貝葉將同介子持長纓歎君五十無知己黃

金散盡慚妻子不能杖劍遠相從猿肱燕頤徒爲
爾空將秃筆掃龍媒送我直上單于臺神駿已居
曹霸上鴈鵬肯讓衛青才紛紛世上皆凡馬如此
騏驎空冀野爲君攜出玉門關戎王應奉千金價
秋夜懸軍瀚海西哀笳吹月馬頻嘶此時思爾茅
堂裏賦就饒歌待客歸

歌贈金谿鄒子

丈夫生世何坎坷佯狂爲奴誰識我當年賃作向
朱家此日棲遲尋紫邏雲蒸龍變在何時憐君白
髮亦成絲君臣之義不可解欲報何須國士知國
士雄才天所產楚漢紛紛那在眼子房本是烟霞

人萬里青天任舒卷舒卷何渺茫登臺飛羽觴時
哉雙黃鵠與爾相翱翔

那旦道中作

孟秋九日寒無比東西南北颶風起陽春道上不
可行吹我僕夫僵欲死有車旣陷泥淖中有馬亦
倒溝渠裏雨挾驚沙撲面飛征人溼透苦無衣黑
雲一片橫天盡紅葉千重見日希登高四望無烟
火白石蒼苔滑殺我但得天晴到夕陽自有人家
當道左

放歌別戴十一

今朝春暖桃花多爲君張宴烹明駝酒酣慷慨高

唱發死生有命奈誰何王孫當日出袴下含羞忍
恥非無故北溟魚起須扶搖南山豹變繇烟霧君
今貧賤何須愁才氣無雙天所畱莊躋人肝可分
食伯夷薇蕨且莫憶隱忍終酬國士知深沉不必
時人識紛紛天下無賢良豺虎皆化爲侯王我今
挽弓三石強欲射不射心傍徨傍徨兮何極臨岐
淚沾臆王陵有母髮垂白遇難不能供子職知君
肝膽如青天甘肥可託供朝夕鷺鳥將搏先戢翼
聖人將動必愚色丈夫所患獨無身我今且就朱
家匿

贈張損之

秦淮之水連青谿君家芙蕖出水齊性好丹青作
花卉含毫多在蓮葉西張顛白日老閒事中散青
霞鬱奇意畫出芙蕖天下無葉葉花花香撲鼻舊
院風流往日多沙嫩清簫傳壽歌齊梁艷曲爲君
唱求畫芙蕖日夕過長板橋邊明月滿脫家十娘
開別館東花簾子捲晴雲邀畫芙蕖香更薰千錢
一幅傳都市一時好手誰如君只今王謝俱零落
青樓歌舞不復作桃葉渡頭空夕陽東華園裏無
紅藥君家寂寞在溪濱南朝逸老無人知頓楊二
姓紅顏盡那有犀簪供畫師君且據梧復隱几繁
華銷歇母多悲

藥地禪師於青原得一瀑布名曰小三疊泉
請予題長句

聞道青原新瀑布奔飛絕似匡廬山匡廬瀑布推
三疊一半移來烟霧間大士無心偶開闢掛出晴
川數千尺說法無煩玉塵揮日夜雷聲喧石壁康
王谷裏水簾長玉鏡潭前白練光昔予散髮卧其
下灑面冰花涼復涼黃巖更比石門好香山亦有
銀河倒天風吹斷落彭湖散作金波千萬道平生
最愛是飛泉處處飛泉弄紫烟天台鴈宕都奇絕
未若青原更可憐

八月十八夕風雨歌

去年八月十八夕前年八月十八朝寶帶橋邊觀
串月錢塘江上弄驚潮今年此夕何蕭索秋雨平
澎沉月魄萬里銀河水倒飛千條瀑布天爭落吹
笛空爲壯士聲何時一戰似雷霆沙場後夜逢明
月會有葡萄醉衛青

題鍊橋丈畫鷹

鍊橋老人七十五畫馬畫鷹力如虎此幅角鷹何
飛揚漢伏郅都非其伍颯然持出當秋天林間不
敢有毛羽鵬如車輪空作羣金眸玉爪不如君杉
鷄竹兔方紛紛何時一擊開邊雲

贈衛山人

衛子興來書自聖鸞驚鳳舉繇天性彎弓昔作李
將軍搦管今爲王大令虎豹雄姿可奈何無因血
戰出朝那林泉處處成高隱絲竹時時間浩歌我
今學書費毫素下馬何時草露布君家夫人筆陣
圖與爾經營及遲暮報恩況復有文章經世何妨
向烟霧

浮丘修禊作

朱明門戶是浮丘浮丘丈人昔此遊采藥相攜浮
丘叔時從洞裏入羅浮挹袖堂前花幾處春光一
望消愁緒雲霞十里蜃樓臺錦繡三城龍子女今
晨上巳是佳晨與客傾壺坐草茵偏霸不須爲武

帝清狂且復作仙人

尉佗自稱南越武帝

過長壽院

尉佗城邊長壽里古寺前臨白鵝水家家薤菜有
浮田處處鱧魚歸大市鐘磬聲隨山雨來菩提壇
接越王臺石門南對紅樓出珠浦西連紺殿開師
向人天無可說諸方盡讓琉璃舌丹青一一是無
生詞采紛紛洞冰雪自種花多灌美泉頭陀苦行
在花田不須天女頻來散終歲花開冬亦妍林塘
曲曲通潮汐鷗鳥時來爭坐席童子歡娛足白鴈
老人變化多黃石相對空天月上時海光如見杖
人師曾分寶鏡雖無用欲舉青蓮亦有期

送蠟石行

峨峨七尺嵩舉身峰巒不起已嶙峋黃雲之根白
雲帶色如蒸栗溫且純展轉豪家不得出移來丈
室辭埃塵老禪摩娑日三四蒼朮所化何輪囷殉
葬將同瑣子骨沙彌薰用戒香新西府海棠梅綠
萼交陰左右當芳春墨痕溼潤少苔蘚蟲書鳥跡
長逡巡英州玲瓏似斧鑿天然輪爾玉渾淪東安
舊令忽見奪十夫難挽如有神泣別空王向垢濁
齊奴金谷多青燐東安縣中富奇石參天一一斧
劈皴崆峒穹窿諸石笋君歸何不隨車輪大峰小
峰充囊橐猶勝鉅萬朱提銀我聞巴縣陳石丈

達順德人臨行石犀泣江濱縣中財物盡捆載石
犀獨留何不仁石丈當時亦愛石巴縣石皆充下
陳死時尸蟲流戶牖石雖在旁如路人噫吁嘻石
雖在旁如路人會見汝卧當荆榛匹夫只今盡懷
壁爲官自合多奇珍石兮好去休酸辛不久復與
高禪親九曜之石尚顛仆馬蹄踐踏峨與岷裨王
苑園委蔓艸殖醢未足謝吾民蛟蜃子孫絕遺種
報施往往勤高曼嗟爾一卷何足道頑冥豈得長
錦茵

題李韶州種竹圖

韶陽幾載行無事九郡如公真卓異手種篋簞翠

映空鸞鳳欲爲神君至瑯玕截取作清簫吹出元
音滿紫霄冉冉重華仙馭降紛紛韶石彩雲朝九
成臺畔行春早甘雨隨車禾麥好孝慈更使竹多
孫六縣謳歌慰尊老朱轡露冕下佗城貴倨應深
捉吐情有道豈須姝子告多文猶恐使君輕

揚州女兒行

揚州女兒雪花命飄到炎天花不病出陽雲氣畫
爲衣珠海波光懸作鏡嫁得風流號璧人關關繡
頸日交親白髮爺孃憑養老生兒那得有金銀爲
妻不若爲姬妾拋擲紅顏輕似葉葉如桃葉有人
爭王郎自解親持楫世上如無漁色人阿翁豈免

空箱篋

貧家有女卽銀樹一朵瓊花人競娶女兒嫌老不
登車泣向雙親淚如雨阿孃好語慰妖嬈祕戲歡
娛得幾朝此翁早遣黃泉去更向豪家渡鵲橋青
春不悞都繇汝卽使生兒何用舉桃花不惜傍枯
楊爲展春圖師素女繇來鬼伯在揚州催命家家
紅粉樓少年尚可迎桃葉老大休教買莫愁

送尹生北上

虎門潮長催舟發君行萬里辭揚越尊老京華啓
事時殷勤省覲當雙闕荔枝蕉子釀酥醪霜蠟雪
螺多水膏持獻堂前復薰翊故鄉風味及同曹莞

香朝夕薰衣服生結清甜兼水熟知燠知寒及自
公聞詩聞禮乘休沐春誦秋絃太學中能將三德
教童蒙仇香定得諸儒敬郭憲元將六藝通少年
立身須及早出事公卿先有道賞郎未足累相如
辭賦何如銅臭好一尊相送鬱江湄莫向鶯花惜
別離越鳥懷南無遠志蠻驄歸北有雄姿爲語故
人王祭酒翰苑朱吳諸好友高懷尙不嚇鵷雛應
寄新詩來隴畝

荅李五稔

李五聰明近無比示我奕訣有精理自來奕數準
圖書圖生書克相表裏神堯作奕教丹朱與戲畫

卦形神似李五之奕今國手京師讓人恒九子以
吾學易知象數畫前所得惟心耳君今久不事楸
枰天地殺機從此止易尚生生造化心以視圍棋
殊不爾吾儒用陽老用陰變詐豈足爲綱紀君今
所學在至誠大經大本期無倚閉戶靜觀天與淵
化育定知所終始時時講習有羅顯胡方阿兄樵
亦契中庸旨袒跣莫復爭樗蒲半日讀書半隱几
况汝岐黃術亦精爲醫豈惜居塵市誰道仙人有
玉壺玉壺於我亦泥滓

堂上行

堂上老人七十九絕似麻姑能飲酒白髮垂垂亦

至腰梳頭輒命梁鸞婦小婦鸞雞雞頗肥大奴斷
筭未曾稀果甘最愛芭蕉實花好時簪茉莉闔堂
軒一樹沙梨熟男女孫雛分亦足畫眉兩兩關歌
聲護艸紛紛爭一束驥子先教三字經熊兒早誦
九春曲春來日比人間長舉杯勸日休飛光聽泉
之妣百有四滄洲處士八旬強我今母子如能似
亦爲吾族一禎祥

十
歲

吾十一世祖妣周聽泉處士之
配也年百有四歲子滄洲時八

畫蘭行

張公畫鷹勝畫馬蘭竹尤精知者寡蘭師乃是程
六無竹亦仲昭始能寫寫成輒乞我題詩墨花如

雨爭淋漓我欲學蘭蘭不就馨香難寄所相思多
日湘纍音響絕紫莖綠葉無人說枝枝畫出亦離
騷彷彿瀟湘見風雪蘭膏細共露華滴蘭芽亂向
春泥茁程蘭一箭五十花羅浮生長美人家花多
人疑是蕙艸花少乃是真蘭葩爲蘭爲蕙總芳芬
蘭蕙繇來本一身畫手寫多休寫少一花卽是一
幽人

乞研行

羚羊峽東惟端溪水巖之口臨江低石師匍匐下
絕磴中穿四洞先東西使君最嗜紫雲片脚踏青
天割爲研青花細細似微塵蕉葉白中時隱見空

濛雨氣成黃龍欲散不散浮水而猪肝淡紫方新
鮮帶血千年色未變中間火捺暈如錢半壁陰沉
望似煙翡翠朱砂非一種斑斑麻鵲點多圓斯是
水巖石中髓水之精華結淵底就中純粹含乾德
紛紛脂玉慚肌理入手溫然煖若春浮動心花兼
意蕊姑射冰凝總在神昭儀膏滑那濡水玉骨雖
剛按似柔生氣周身無不靡鸚鵡何須活眼多雲
霞亦是空天滓使君命匠細磨礱中有三方最高
美其餘浸潤水盤中水碧金膏盡糠粃分我東洞
一大轆似方非方非石子縱橫六寸甚端厚蕉葉
青花相間起前者兩片琢未成贈我已與瓊瑤似

使君割愛本非常不貪爲寶吾難已連城之壁安
希求覲顏未免秦人耻何物能爲十五城賦詩適
自呈嫌鄙使君作者本多才笑我布鼓持當雷不
須狡獪憑詩筆自有神明契合來

寄薛二

君戴芙蓉冠幾日羅浮返芝房白玉童應笑學仙
晚我在天台讀道書春風三月悵離居盈盈一片
流花水欲共琴高駕鯉魚

東西二樵山有如日與月相望不相知夢魂常恍
惚四百餘峰高復低難將七十二峰齊飛橋恨不
長千丈朝向東樵暮向西

東樵四百三十二
峯西樵七十二峯

夷門行

信陵當日救邯鄲毛薛諸公盡結歡
悵望夷門京飲劍逡巡函谷恨迴鞍
魏王不信佳公子醇酒美人終已矣
兵法空名賓客書合從未雪諸侯恥
大梁爲君頻駐馬燕趙蕭條同淚下
荆卿一去無酒人朱亥已沒誰屠者
狐兔紛紛古市遊灌城早已知鴻溝
侯嬴不弔弔公子遺墓蒼茫何處求
自迎監門勞玉趾引車迴入大梁市
從騎皆驚罵小人豈知嬴乃爲公子
刎頸送君君勿悲爲酬晉鄙血淋漓
效命只須進朱亥報恩况復得如姬
賣漿博徒賢似汝殷勤間步頻相許
天下無雙是安

人平原多客空豪舉威名盡出抱關人率領諸侯
遂抑秦末路可憐長夜飲東門草蔓失城闔

易水行

荆卿匕首漸離筑諸侯賓客一時哭筑聲總爲故
人悲下報知交搥不遲白首相要在一死綰冠相
送未多時生劫寧因燕太子深讐多爲樊於期風
雨蕭蕭生易水一歌直與招魂似吾客漸離應與
俱彼豎舞陽安用此亦知此去事無成爭奈田光
一死輕劍術雖工亦何益丈夫原不爲功名

博浪行

一聲震動驚秦始猛過當年椎晉鄙山東豪俊盡

生心圯上老人應不喜英雄堅忍事方成微幸何
須學慶卿副車誤中知天意要使沙丘載臭行扶
蘇不得作天子總在沙丘龍一死可憐百萬死秦
孤祇有趙高能雪恥趙高生長趙王家淚灑長平
作血花報趙盡傾秦郡縣報韓祇得博狼沙

壘上行

耕夫有志如鴻鵠一夕丹書發魚腹天教狐嘯起
英雄遂使雌雄爭逐鹿壯士生當舉大名身作陳
王事乃成分兵狗地多秦敵一一諸侯盡膝行所
置將軍盡豪傑紛紜竟使強秦滅驅除已是霸王
威發難何殊湯武烈戍卒能爲天下倡何辭一戰

殉沙塲第一功歸漢高帝無雙不數楚眞王漢業
皆因張楚業千秋碣上陳馨香

臨邛行

臨邛令前請奏琴王孫有女能知音一曲豔歌傳
繡戶無端挑起鳳皇心侍者殷勤通彼美風流放
誕那能已羅敷不肯見金夫文君苦欲依才子臨
邛還作酒家胡臉際芙蓉絕代無錢多會數黃金
錯絲短能提白玉壺雍容時浣錦江水慷慨或裂
紅羅襦嫁時衣物俄分與家僮錢帛兼無數歸向
成都作富人宮商一任勤綦組子虛有賦無知者
一日聲名動金馬心存風諫本離騷靡麗曲終方

滑不用酒子羹魚鰕味辛似雜貢隅桂漿清絕勝
朱厓椰多飲往往愈腹疾不妨生冷浮瓜我來
莞中亦嗜此岍谿欲廢春頭芽故人餉我日三至
絲繩玉壺提童娃爲君饜飫當湏酪方法歸教雙
鬟丫

爲廣州太守劉公壽

使君露冕來仙城吏人親愛同翁卿九郡諸侯奉
師表百蠻髦士欽仁明中郎三十已開府我公春
秋日未午生朝恰值小春陽梅花萬枝獻神父珠
江開學希文翁養正殷勤作聖功子弟絃歌沐膏
澤大夫蘭芷香童蒙講堂右肱有樓閣假我卑棲

歡燕雀何殊解榻爲周璆直教隱几同南郭南中
文獻君所留斯樓依稀文選樓言談林藪端在此
文章淵府更何求君侯政教兩稱善去歲嘉禾應
復見化如時雨霑天喬潤似黃河被畿甸茲晨負
暄冬春交使君旃幘先草茅賤子自慚鳩性拙身
依召公有鵲巢鰌鯉盤行及張仲燕喜爲侯陳雅
頌豈弟自膺眉壽多不用羅浮芝草送

盧亭

老萬山中多盧亭雌雄一一皆人形綠毛徧身祗
畱面半遮下體枯皮青攀船三兩不肯去投以酒
食聲啁啾紛紛將魚來獻客穿腮紫藤花無名生

食諸魚不烟火一大鱸魚持向我殷勤更欲求香
醪雌者腰身時嬈娜在山知不是人魚乃是魚人
山上居編茅作屋數千百海上漁村多不如盧循
苗裔毋乃是化爲異類關天理或有衣裳卽古人
避秦畱得多孫子我亦秦時古丈夫手携綠毛三
兩妹祗因誤餐穀與肉遂令肥重非仙癯盧亭美
爾無拘束裸國之人如可畜猩猩能言雖不如彼
却未離禽獸族魚人自是洪荒人茹腥飲血何狂
榛我欲衣裳易鱗介盡教鼃鼃皆吾民自古越人
象龍子入江繡面兼文身覲然人面能雪恥差勝
中州冠帶倫觴酒豆肉且分與期爾血氣知尊覲

魚子行

穀雨鰱清明鯉相逐雌雄貪咬子魚子爭乘春水生魚花却讓西江美魚花一一似桃花紅漾春潮亂綺霞九江人盡魚花戶解漉魚花向海沙

蝻蛇行

蝻蛇吞人方半吞兩手死攀枿樹根一夫往救不量力蝻蛇鈎取如束薪牛將兩角與抵觸鱗甲潰裂膏血噴人雖吐出已半死一月僵臥亾精魂牛兮汝乃能救人兩人沾汝父母恩天生義勇少人有牛兮絕勝血氣倫

劉仙巖

劉仙巖在從化縣西三里風門嶺之陰相傳有
劉氏女於此上仙其水盂存焉冬夏積水常不
竭其米色如墨而不腐謂之仙人糧遊者多得
之詩曰

高高城外風門嶺
仙女巖扉時倒影
水盂朝吐白雲香
石鏡暮含明月冷
黑米成珠舊日糧
玉漿如乳誰家井
聞道瑤姬絕世姿
芙蓉萼早把鉛華
屏綠眉盧女畫當
心鬢髮麗英披至
頸雲母丹成卽上
仙紫鸞銜得書來
請羅浮自古女仙
多知與鮑姑爲首
領

猺歌

從化有蘭和峒多猺猺之祖曰盤瓠記
以爲社名曰盤古王其峒亦曰盤古峒

古者輓之訛也

盤瓠荒祠盤瓠峒諸獠男女歌相送裙衫染黑大
家同絨繡花連大頭鳳輦田火粒早收成爲賽社
王多酒甕山狸肌作木瓜香竹鼬肉如綿絮鬆官
催刀稅到蘭和絕嫩鹿茸先納貢

水車

自江村而上至從化四百餘里中絕多水車舟行苦之

江中柵枒紛無數奔流橫截相支拄要令江水盡
湍急勢似驚灘石齟齬枒身入水苦不朽老龍一
一皆錐處卽枯尚裹霜鱗甲斷節膏流未成土何
年五鬣失輪囷潛無首尾誰知汝槎枒但有齒角
用縱橫水中若鉤距水車因爾得旋轉晝夜輪翻

起風雨一車灌田四十畝槽槽相接輸甘乳舟人
最苦水車多上車下車色無主車車漸高高入雲
車尾車頭爭鼓舞身強撐折灣灣篙篙勢有如大
黃弩水淺不苦苦水深雨多久已迷洲渚從陽向
少乾旱憂歲歲有收盛禾黍估人來往水車旁各
奮長篙助公姥我行雖覺此路艱終愛水車利農
圃丈人抱甕一何愚豈知桔槔施已普聖人製器
因自然機事前民從上古絕聖棄智非神明大巧
斯爲道所取

從化縣齋有古榕一株見而歎之

古榕一樹愁拘束生長縣齋非空谷貪與仙人吏

隱同女，蘿亦免樵蘇辱。臃腫偏多鱗，甲開知是龍。
身不敢觸枝柯多節，或空心膏流未免因肥沃。官
閒一日三摩娑，自汲寒泉與洗浴。松花春熟入懷
香，黃多絕勝金如粟。

送沙子雨往安南

閩越奇人沙起雲，茫茫浮海凌秋雲。揚帆直入大
鰭腹，晞髮欲就扶桑暎。琉球日本一再至，薩摩長
揖諸郎君。倭奴寶刀日在手，暹羅火春時濡唇片
腦炎。油結歡好紅毛白丹通，殷勤長沙石塘逐潮
勢。諸番往來猶苦貧，身與人魚互出沒。崑崙舶小
波長吞掣黿，欲學古公子射蛟。不數飛將軍東西

二洋若平地蓬瀛諸島誠微塵舍舟忽然辭海若
日南首路摩金鄰前年已抵交趾界鬼門關阻愁
逡巡有兄久爲安南客白頭未歸含酸辛脊令急
難冒兇險禦侮欲批修蛇鱗古森先謁四峒主山
溪箐密防狂獠摩挲銅柱古斑駁伏波血汗餘苔
文馬流丁口盡漢種黃褐一一神華民麓泠雙女
化燐火西屠諸王無餘魂蠻邏至今畏新息歲時
腰臘陳椒芬匍匐不敢廟門入國王徒跣先其臣
白馬街中亦有廟象來蹴踏身俄焚文淵威靈亘
絕徼中華長城憑一身交人亦尚漢冠帶雖然被
髮知人倫裋衣廣袖恥左袵旃裘不肯同吐渾君

行喜得暫束髮網羅馬尾重包巾光光髻子疊紗
帽縱橫玉簪含花薰大樾國中奮才藻侏離訓和
寧無人美娘香蠟日膏沐素趺亂踏桃花裊媚人
更多鬼子女鬢髮苦拭杯盤銀君行見兄卽返馬
此邦淫蠱多妖氛男女同川兼鼻飲傷無禮義教
持循誰當恢復此疆土三百年來哀沉淪三楊王
通罪莫追王者無外寧不聞金標豈是南極界象
林忍使茅長分尸椎踉蹌畏鐵騎巨象丘山偏崩
奔交鎗寧如我長技叢雷大礮摧千羣君行更爲
熟形勢爲圖山川窮嶙峋唐蒙奇道在掌股鄧艾
裹羶當有神笏竹之城難負固銅柱易折如枯薪

先臣文簡與文敏兩公碩畫行須遵招降兼用邵
離策還同永樂重平陳倔強自娛亦已久逋誅寧
識天朝恩與黎皆在我心腹雖有血氣殊尊親虎
豹累朝驅未得魑魅隨在皆甘人君今盛夏觸炎
暑欽州取道沿江瀆帆掃牙山行十日笑衝烟瘴
香氣氤氲丈夫萬里若几席倏忽即可窮九垓鴻蒙
爵躍恣所往列子御風隨天輪浮游直出天地外
猖狂豈暇憂迷津况乃居之亦何陋屢中儘可圖
功勳援俎旣好周公服未應獷悍長難馴祖宗郡
縣舊赤子棄若弁髦傷吾仁彼中已嘗被聲教夫
子猶能尊大紳君行且與說詞賦揮灑翰墨爭清

新鎮蠻銅鼓盡作銘大書一一傳九真

石公石姥歌

石在太湖石公山

兩石湖邊號公姥狀似老人何偃僂何事雙雙化
石來多情不肯歸黃土從來化石因望夫武昌貞
婦無處無男子何因亦化石鴛鴦相對爲歡娛東
向石公拜汝豈穀城舊精怪不然漢代修羊公故
向君王作狡獪西與石姥語汝豈秦時采螺女巫
山十二芙蓉中亦有望夫峰似汝我今學仙仙未
成愁將體魄歸泉扃他年亦欲化爲石恨無比肩
一娉婷